

28. 8^{bris} 1786

Absolutio d. Romée à
Prioratu d. Leodii et institutio
in Priorem ejusd. d. d. Thomae
Bogaert, propterea absolutum
a Prioratu d. diestensis.
Et institutio d. Francisci
Beekers prof. et Proc^{nis}
d. diestensis in Priorem ejusd. d.

frater Hilarion Prior Cartusie nec non Cartusiensis ordinis Minister
Generalis Venerabilibus in Christo Patribus ad quos presentes spectant,
salutem et spiritualium charismatum abundantiam.

Cum nihil antiquius nobis esse debeat quam ut omnium
subditorum et imprimis Prælatorum ordinis consolationi provideamus,
enixis precibus Venerabilis Patris Domni Philippi Romsee Prioris
Domus Leodii, ut onere pastoralis propter continuas ac graves suas
infirmittates levetur, tandem adducti, tenore presentium
nostræque ac Capituli generalis auctoritate super annum in nos
transfusâ, sequentes dispositiones ordinamus prout sequitur.

Priori domus Leodii ad suam maximam instantiam fit misericordia;
et præficimus in Priorem dictæ domus venerabilem Patrem Dominum
Thomam Bogaerts propterea à Prioratu domus diestensis absolutum.
Et Prior absolutus exerceat officium Correrii.

Priori domus diestensis alibi instituto fit misericordia.
et præficimus in Priorem dictæ domus venerabilem Patrem Dominum
franciscum Beckers professum et Procuratorem ejusdem domus:

Mandantes omnibus Personis ordinis in duabus præfatis domibus
degentibus ut Priori sibi per presentes specialiter instituto
debitam exhibeant obedientiam ac reverentiam. In nomine
Patris, et filii, et Spiritus Sancti, Amen. Accingant se nunc
ambo novi Priores et Confortentur in Domino ut erga fratres suos
omnem paternam sollicitudinem impleant, omnisque justitiæ
et observantiæ regularis exemplum verbo et opere illis
præbere diu noctuque non desinentes, fidelibus dispensatoribus
repromissam mercedem tempore suo adipisci mereantur. Quod ut
certo certius fiat, opulentum singulis de Cælo apprecamur auxilium.

Datum Cartusie sub Syngrapho et Sigillo consuetis die 28. octobris
anni 1786.